



20 19 йил. « 18 » 07

№ 08-404

« ____ » ____ 20 ____ год.

Хужжат ижроси тўғрисида

Ўзбекистон Республикаси олий ва ўрта махсус таълим вазирининг 2019 йил 3 июлдаги “Талабалар турар жойларини янги ўқув йилига тайёрлаш ишларини ташкил этиш тўғрисида”ги 592-сон буйруғида белгиланган вазифалар ижросини таъминлаш мақсадида

Б У Ю Р А М А Н:

1. Ўзбекистон Республикаси олий ва ўрта махсус таълим вазирининг 2019 йил 3 июлдаги 592-сон буйруғи (бундан буён матнда буйруқ деб юритилади) маълумот ва ижро учун қабул қилинсин.

2. Буйруқ билан:

барча масъул раҳбарларнинг эътибори олий таълим муассасаларида Талабалар турар жойлари (кейинги ўринларда ТТЖ деб юритилади)ни янги ўқув йилига тайёрлаш ишлари қониқарли эмаслигига қаратилиши белгиланганлиги;

янги 2019/2020 ўқув йилига қадар барча ТТЖларни тўлиқ шай ҳолатга келтириш мақсадида 2 ойлик, яъни 2019 йилнинг 1 сентябрига қадар “тайёргарлик ойлиги” эълон қилинганлиги;

таъмирлаш, жиҳозлаш ва ҳудудларни ободонлаштириш юзасидан амалга ошириладиган ишларни ўз ичига олган режа-жадвал намунаси, ТТЖда 5 та муҳим ташаббус бўйича хоналарни ташкил этиш юзасидан тавсиялар ҳамда олий таълим муассасаларининг бино ва иншоотларини янги 2019/2020 ўқув йилига тайёрлаш бўйича “Йўл харитаси” намунаси тасдиқланганлиги инобатга олинсин.

3. Проректор У.Пулатов:

а) **2 кун муддатда** тегишли проректорлар ва таркибий бўлинмалар билан келишган ҳолда университетда 2019/2020 ўқув йилига муносиб тайёргарлик кўриш ва ахборот-коммуникация технологияларини янада ривожлантиришни ўз ичига қамраб олган режа-жадвални тасдиқлаш учун киритсин;

б) **жорий йилнинг 20 августига қадар** ТТЖни тўлиқ шай ҳолатга келтириш бўйича барча зарур чораларни кўрсин;

в) университетда таъмирлаш ва жиҳозлаш ишларини амалга ошириш, ҳудудларни ободонлаштириш юзасидан ҳар бир объект бўйича алоҳида режа-жадвални тасдиқлатиш учун киритилишини ва вазирлик штабига тақдим этилишини таъминласин;

г) яқин йилларда қурилган ёки таъмирланганлигидан қатъи назар **икки ҳафта муддатда** университет ва ТТЖдаги эшик-деразалар, иссиқ ва совуқ сув тизимлари ҳамда бошқа масалалардаги кичик ва элементар камчиликларни бартараф этиш чораларини кўрсин, шунингдек ТТЖдаги ювиниш ва чўмилиш хоналари, санузеллар тўлиқ таъмирдан чиқарилиши ва етарли даражада жиҳозланиши ва намунали ҳолатга келтирилиши ҳамда мазкур жойларда табиий ҳаво айланиш тизимини мунтазам ишлашини таъминласин;

д) ошхоналардаги газ ёки электр плиталар, дудбуронлар (вытяжка) ва ошхона мебелларини соз ҳолга келтирилиши ёки маънавий ва жисмоний эскирганларини тўлиқ янгилаш чораларини кўрсин;

е) ҳудуддаги тегишли давлат санитария эпидемиология назорати маркази билан биргаликда ТТЖдаги барча хоналарнинг санитария-гигиена талабларига мослик даражаси ўрганилиб, бу борадаги муаммоларни бартараф этиш чораларини кўрсин;

ж) проректор Д.Умаров билан бирга **бир ҳафта муддатда** ТТЖ биноларида бўш турган хоналардан, жумладан маънавий ва маърифат хоналаридан **5 та муҳим ташаббусни** амалга ошириш учун фойдаланишни назарда тутадиган қуйидаги хоналарни ташкил этишга ва мавжудларини такомиллаштиришга эътибор қаратсин:

санъат ва мусиқа хонаси (1-ташаббус);

фитнес ва жисмоний маданият хонаси (2-ташаббус);

ахборот технологиялари ва интернет хонаси (3-ташаббус);

кутубхона (4-ташаббус);

з) ушбу хоналарни санъат ва мусиқа, фитнес, ахборот технологиялари ва Интернетга ихтисослаштирилган жиҳозлар ҳамда китоблар билан бойитиш чораларини кўрсин;

и) ТТЖда компьютер хоналарини таъмирлаб, замонавий компьютер жамланмалари билан бойитиш ва уларни Интернет тармоғига улаш, шунингдек ҳудудни Wi-Fi жиҳозлари билан таъминлаш ишларини якунлаш чораларини кўрсин.

4. Проректор Д.Умаров:

ТТЖ тарбиячи-педагогини қайта суҳбатдан ўтказсин ва белгиланган талабга мос бўлмаган тақдирда ўрнатилган тартибда меҳнат шартномаларини бекор қилиш бўйича таклиф киритсин;

университет ректорининг 2019/2020 ўқув йили учун курслар кесимида талабалар ва профессор-ўқитувчилар билан учрашувлар жадвалини тасдиқлатиб, **жорий йилнинг 10 августига қадар** Вазирлик ахборот хизматида тақдим этилишини таъминласин;

янги ўқув йилидан бошлаб ижарадаги хонадонларда яшаётган талабалар яшаш шароитларини ўрганиш бўйича масъулларни (декан, кафедра мудирлари ва профессор-ўқитувчилар) белгиласин ва уларнинг ижарада турадиган талабалар яшаш шароитидан мунтазам хабар олишини таъминласин.

5. Матбуот котиби У.Уринов таъмирга тушадиган бинонинг ҳозирги, таъмир жараёнидаги ва битгандан кейинги ҳолатини тўлиқ тасвирга олиб, ОАВ орқали ёритиб борилиши ҳамда **“ТТЖда талабаларга яратилган шароит: кеча ва бугун”** номли якуний фотоальбомни тайёрлаб, уни электрон шакли билан биргаликда жорий йилнинг 20 августига қадар Вазирлик штабига тақдим этилишини таъминласин.

6. Ушбу буйруқ ижроси назоратини ўз зиммамда қолдираман.

Адлия вазири
Ўринбосари – ректор



Е. Каньязов